



ԵՊԻՍԿՈՊՈՍԱՅ ԽՈՐՀՐԴԱԿՑԱԿԱՆ ԺՈՂՈՎԻ ԳՈՒՄԱՐՈՒՄ ՄԱՅՐ ԱԹՈՌՈՒՄ

Սեպտեմբերի 30-ին, հինգշաբթի օրը, ժամը 17-ին, Վեհափառ Հայրապետի նախագահությամբ Վեհաբանում գումարվեց եպիսկոպոսաց խորհրդականցական ժողով, որին մասնակցեցին տ. Եղիշե, տ. Ծնորհք սրբազան պատրիարքները, տ. Սերովբե, տ. Ասողիկ, տ. Բաբգեն, տ. Թորգոմ, տ. Կոմիտաս, տ. Ծահե, տ. Վաչե արքեպիսկոպոսները, տ. Հուսիկ, տ. Վահան, տ. Տիրայր, տ. Հակոբ, տ. Գարեգին, տ. Գյուտ, տ. Արսեն, տ. Նարեկ, տ. Գևորգ, տ. Արիս, տ. Ներսես եպիսկոպոսները:

Ժողովն օրհնությամբ բացեց Վեհափառ Հայրապետը և ողջունեց բոլոր ներկաներին:

Այնուհետև ընթերցվեց Վեհափառ Հայրապետի՝ եկեղեցական բարեկարգության վերաբերյալ մի շարք հարցերի մասին տ. Եղիշե սրբազան պատրիարքին ուղղած 25 հոկտեմբեր 1975 թվակիր համակը, որտեղ նաև հիշեցում էր կատարվում 1969 թվականի աշնանը Մայր Աթոռում գումարված եպիսկոպոսաց ժողովի կողմից ընդունված որոշման համաձայն մի շարք եպիսկոպոսների վրա դրված ուսումնասիրության գծով կատարվելիք բարեկարգական աշխատանքների վերաբերյալ:

Վեհափառ Հայրապետի թելադրության համաձայն տ. Եղիշե պատրիարքը գրել է այն բոլոր եպիսկոպոսներին, ովքեր պարտավորություններ էին ստանձնել ուսումնասիրություններ կատարելու և դրանք ներկայացնելու Մայր Աթոռին:

Հատենի ժողովո Վեհափառ Հայրապետը հայտարարեց, որ մինչև ստանձնված այդ աշխատանքները չկատարվեն, նպատակահարմար չի լինի հրավիրել եպիսկոպոսաց նոր ժողով: Այս հարցը Վեհափառ Հայրապետն ամենայն կարևորությամբ հանձնեց ներկաների ուշադրությանը:

Եպիսկոպոսաց խորհրդականցական սույն ժողովի օրակարգում դրված էին հետևյալ հարցերը.

1. Եպիսկոպոսաց առաջիկա ժողովի գումարում.
2. Հայ եկեղեցու կանոնագրության կազմության հարցը.
3. Սրբացման կանոնի ուսումնասիրության հարցը.
4. Ս. Զատիկը անշարժ մի թվականի տոնելու հարցը.
5. Արքության պատվի և վարդապետական աստիճանների տվչության հարցը.
6. Քույր եկեղեցիների հետ Էկումենիկ հարաբերությունների զարգացման հարցը:

7. Ընթացիկ հարցեր:

Հետ խորհրդակցության եպիսկոպոսաց ժողովը հանգեց հետևյալ եզրակացությունների.

1. Եպիսկոպոսաց առաջիկա ժողովը գումարել Երուսաղեմի հայոց վանքում Երուսաղեմի հայոց տ. Եղիշե պատրիարքի հրավերով 1977 թվականի հոկտեմբերի երկրորդ կեսին՝ մինչ այդ հանգամանորեն նախապատրաստելով ժողովում քննության առնվելիք հարցերը:

2. Անհրաժեշտ համարվեց մինչև առաջիկա ժողովի գումարումը կազմել հայ եկեղեցու և նրա նվիրապետության վարչա-կազմակերպչական կանոնագրությունը:

3. Քննության առնվեց նաև հայ եկեղեցու կանոնագրքի վերաքննության և մեր օրերին կիրառելի կանոնների գրքի մի նախագիծ պատրաստելու անհրաժեշտությունը: Որոշվեց այդ կարևոր գործը հանձնարարել Մայր Աթոռին:

Սույն կանոնագիրքը կազմվելու է Մայր Աթոռում:

4. Սրբացման կանոնի ուսումնասիրության համար որոշվեց վերակազմել նախկին հանձնախումբը՝ հետևյալ կազմով.

ա) Տ. Բաբգեն արքեպիսկոպոս Ապատյան.

բ) Տ. Վաչե արքեպիսկոպոս Հովսեփյան.

գ) Տ. Տիրայր եպիսկոպոս Մարտիրոսյան.

դ) Վազգեն Հակոբյան:

5. Ժողովը քննության առավ նույնպես ս. Զատիկն ապրիլ ամսի երկրորդ շաբաթ օրվան հաջորդող կիրակին անխափան կերպով և միասնաբար տոնախմբելու վերաբերյալ Հոռոմի Պապի առաջարկը:

Ժողովը որոշեց՝ շարունակել այս հարցի շուրջ ուսումնասիրությունները և պարտականություն դրեց Կ. Պոլսի հայոց տ. Ծնորհք պատրիարքի վրա՝ ներկայացնելու վերջնական մի ուսումնասիրություն առաջիկա եպիսկոպոսաց ժողովին:

6. Ժողովը քննարկեց վարդապետական, ծայրագույն վարդապետական ու եպիսկոպոսական աստիճանների և արքության պատվի տվչության հարցը: Այս հարցի շուրջ նախապես պատրաստած իր ուսումնասիրության նախագիծը կարդաց տ. Սերովբե արքեպիսկոպոսը: Ներկաները միաձայնությամբ առաջադրեցին, որ այս հարցը հառաջիկա եպիսկոպոսաց ժողովի օրակարգի վրա դրվի, և տ. Սերովբե արքեպիսկոպոսի վրա պարտականություն դնել, որ իր պատրաստած նախագիծն իր վերջնական ձևի մեջ ներկայացնի ժողովի քննարկմանը:

7. Եպիսկոպոսաց ժողովը կրկին արձանագրեց իր ցանկությունը, որ հայ եկեղեցին շարունակի մասնակցել Էկումենիկ շարժմանը և միջեկեղեցական ժողովներին, միայն Վեհափառ Հայրապետի գիտությամբ ու Նրա համաձայնությամբ:

8. Եպիսկոպոսաց սույն ժողովում քննության առնվեցին նաև ծննդաբերության կասեցման, դիակիզման, կրոնական կրթության և դաստիարակության, սուրբ պատարագի արարողության կրճատման, եկեղեցականների և ուսուցիչների պատրաստման ու այլ հարցեր: Այս հարցերի ուսումնասիրության համար պարտականություններ դրվեցին առանձին եպիսկոպոսների վրա, որոնք և պարտավորվեցին իրենց ուսումնասիրությունների արդյունքներն ամփոփել և դրանք Վեհափառ Հայրապետին ուղարկել մինչև 1977 թվականի հունիս ամսվա վերջը:

Այսպես՝

ա) Ս. Եղիշե պատրիարքի հսկողությամբ կրոնական կրթության ու դաստիարակության, ինչպես նաև հոգևորական և աշխարհական կրթական մշակներ պատրաստելու հարցի ուսումնասիրությունը պիտի կատարվի Երուսաղեմում:

բ) Ս. Ծաֆե արքեպ. Աճեմյանին հանձնարարվեց ծննդաբերության կասեցման հարցի ուսումնասիրությունը:

գ) Ս. Թորգոմ արքեպ. Մանուկյանին՝ դիակիզման հարցի ուսումնասիրությունը:

դ) Ս. Սերովքե արքեպ. Մանուկյանին, տ. Բարգեն արքեպ. Ապատյանին և տ. Գնել եպս. Ծերեճյանին՝ ս. պատարագի վերատեսության հարցի ուսումնասիրությունը:

ե) Ս. Ծաֆե արքեպ. Աճեմյանին՝ ամուսնալուծման և վերամուսնության հարցի ուսումնասիրությունը:

Եպիսկոպոսաց խորհրդակցական ժողովը փակվեց ժամը 20-ին՝ խմբովին երգված Տերունական աղոթքով և հայրապետական «Պահպանիչ»-ով:

